

*DIVINA ADSPIRANTE GRATIA!*  
DISSERTATIO PRACTICA  
DE

CURATIONE  
HYDROPI  
ASCITIS,

potissimum de ὕδαρσι, agens.

*Hanc*

consentiente illustri Asclepiadeo ordine in  
florentissimo Athenæo Salano,

exercitii gratiâ

SUB CLYPEO

VIRI

*Nobilissimi, experientissimi*

DN. D. GUERNERI ROLFNCII,

Philosophi & Medici eminentissimi, Chimiæ &

Practices P.P. celeberrimi, Academia Salanæ Senioris

gravissimi,

Domini Præceptoris, & Patroni sui æviternum

devenerandi,

*placide Φιλιατρῶν ventilationi submittit*

BARTHOLDUS SIMON,

HAMBURGENSIS.

*ad diem*

*Anno MDC LXVIII.*

In Auditorio Medico.

---

JENÆ, Typis JOHANNIS NISL.

DISSERTATIO PRÆCIPUE

CHIRURGICÆ

HYDROPI

ASCITIS

potissimum de ætione et curatione

authenticis illius. Auctoris et c.

et c.

et c.

et c.

MD. D. GULIELMUS MOFFAT

Philosophi & Medicæ magister, et c.

et c.


et c.

et c.

et c.

et c.





D. O. M. A.

## DISSERTATIONIS

De

# HYDROPIIS, ASCITIS SACRA ANCHORA PA- RACENTESI,

## CAPUT I

*continet preloquium.*



Ravis est sententia Democriti, quā utitur  
in colloquio cum summo dictatore Hip-  
pocrate : οὐχ ὁρῶς, ὅτι καὶ ὁ κόσμος μισαν-  
θρωπίνην πεπλήρωται : ἀπειρα καὶ αὐτίκα  
πάντα ζωήθροικεν. Ὅλοι ἀνθρώποι ἐκ  
ἡμετέρας νεότητος εἰσὶν. i. e. Nonne vides mun-  
dum ipsum inhumanitate redundare, & infini-  
tas adversus hominem affectiones cumulare?  
*Totus homo ab ipso ortu morbus est.*

Mundus in unius hominis gratiam factus, videtur odio  
in ipsum plenus, singulis tribus ipsius ventribus & artubus nul-  
lo non momento graves insidias struens.

Id experitur infimus venter partes nutrimenti elabora-  
tioni, & naturalissimo operi perficiendo destinatas comple-  
ctens. Variis illum morborum insultibus esse expositum, et-  
iam ii, qui medicinam vix à limine salutarunt cognitum ha-  
bent & perspectum.

Inter hos, qui furioso impetu vitam sanitatemque no-  
stram



stram ferunt & oppugnant, haud postremum sibi locum famosissimus morbus hydrops dictus vendicat.

Hic tanto horribilium symptomatum satellitio stipatus incedit, ut sensim & sensim regis microcosmi metropolin expugnare, ipsum microcosmum destruere, vires depopulari, spiritusque obsessis respirationis organis suffocare audeat.

Ad hujus morbi atrocitatem debellandam a medicis varia medicamentorum genera excogitata sunt.

Hippocrates diatā utitur exsiccante, & circa finem libri *de victus ratione in morbis acutis* hydragogum ex cantharidibus conficit.

Alii propinant sirupum radices ireos florentinæ cum Dominico Leone, qui omnem hydropem arte medicā curabilem ejus usu sanari arbitratur.

Nonnulli radicem asari in conveniente liquore porrigunt. Kotsack, tractat. de *Se* sect. 14. capit. 6. scribit, se ejus usu multos integræ sanitati restituisse.

Alii lixivium ex sarmentorum, juniperi, & vitium cineribus paratum, aromatis & saccharo conditum in usum trahunt.

Nonnulli confugiant ad decantatissimum illud depuratum  $\Phi$ , a nobilissimis inflammatis faucibus medendi virtutibus sal Prunellæ dictum, quo nonnulli malum hoc feliciter debellârunt.

Chimix periti summis extollunt laudibus Lunaria medicamenta. Ut Luna humorum, marium, & aquarum domina, principatûs in throno summo locata, illis limites & terminos, occasus & ortus ponit, ita etiam illa in microcosmo motibus humorum naturalibus, & debitos carceres excedentibus frenare & attrahere volunt. Extollunt inter ea magisterium  $\Delta$  &  $\Upsilon$ nam potabilem.

Cum verò omnia hæc ex pharmaceutico fonte depromta medicamenta sæpe expectationi non satisfaciant, gloriæ campum invenit illa medicinæ pars, quæ manu medetur,  $\chi$ ερεια dicta, & jus præcedentiæ ob faustos rerum eventus illis medicinæ partibus, quæ victu medentur, & medicamentis, dubium reddit.

Sicuti



Sicuti non semper arietibus pugnamus, sed tormentis & aliis machinamentis hostem invadentem repellimus; ita etiam solus fons pharmaceuticus non semper satis est sufficiens diræ morbonæ paria facere, sed sæpe chirurgica præsidia sunt in consortium adsciscenda.

Hæc asciticis sæpe *ὑπὸ μηχανῆς* sacra apparet anchora, & incantamenti instar gravi hoc morbo pressis, aliis remediis in cassum adhibitis, succurrit, eâ providentiâ ut his solis subveniat, nulli vero alii hydropis speciei, autore Paulo Æginetâ lib. 3. cap. 48. & quidem tantâ felicitate, ut scribere non sit veritus Aetius tetrabiblo 3. serm. 2. cap. 30. Omnibus medicamentis in hydropis specie ascite dictâ efficacius auxilium chirurgiæ præstat.

Gravis est sententia Hippocratica in aphorismis.

*Quæ medicamenta non sanant, ferrum sanat.*

Confirmat idem Celsus scribens: *Quicquid medicamentis evinci non potest, id ferro & igne corrigitur.*

Vetustas cum summam videret chirurgiæ in profligandis morbis & externis, & internis, cum utilitatem, tum necessitatem, nihil habuit prius, nihil antiquius, quàm eam excolere, & posteritati tradere.

Nobis hæc bene trutinantibus decens visum est operationem quandam chirurgicam haud incelebrem pertractare, quæ *ὡσανύτησις* dicitur.

Hic noster labor & opus inceptum ut ex voto succedat, invocabimus DIVINUM NUMEN juxta monitum Hippocratis, qui ita lib. *ὡς, γυναικείης φύσεως* scribit: *Δεῖ τὸν ὁρῶν τὰ ὑγὰ χρεῖζοντα, πρῶτον μὲν ἐν τῶν θεῶν ἀρχαῖς*, i. e. Eum qui probe tractare volet, primum quidem à Divino Numine initium sumere oportet.

Largiatur ergo nobis Altissimus suam Clementiam, & inceptis nostris favcat. In ejus nomine & auspicio ponimus



## CAPUT II

## definitionem ὀνοματώδους

exhibet.

Sunt nonnulli, qui cum superciliosis nominum contemptoribus, posthabitâ verborum & nominum ratione statim in ipsa rei penetralia tendunt.

Verum hi minus sapere videntur, quippe à nominibus in rei perceptionem pervehimur, teste Galeno lib. μεθόδου θεραπευτικῆς cap. 5. ita scribente: ὅτι πάντων ζήσμενων εἰς λόγον χρὴ μεταλαμβάνεσθαι τὸ ὄνομα: in omnibus, de quibus queritur, in rationem oportet adsumi ipsum nomen.

In genere omnis punctio ἀφαιρέσις nomine denotatur. Hæc cum in variis partibus fiat, operæ pretium esse duximus, prius explicare, antequam ad alia descendamus, de quâ in specie verba facturi sumus, ne nomen dubium cuidam moveat.

Nomen ἀφαιρέσεως attribuitur etiam nobili istî operationi chirurgicæ, quæ ad herniam aquosam profligandam administratur, teste Castello in lexico medico, de quâ etiam multa legimus apud Hieron. Fabric. ab Aquapendente lib. 1. de tumor. prat. nat. cap. 27.

Dicitur paracentesis & illa apertio, quæ in empyemate ad omnem puris abundantiam educendam, quæ collecta est intra capacitatem thoracis, instituitur. De eâ agit Riolanus in encheirid. anatom. lib. 3.

E medicorum antiquorum turbâ nonnullos hoc nomen etiam assignasse punctiōi, quæ peragitur in suffusionis oculorum curatione, testis est Sennertus, vir supra laudem positus lib. 5. institut. part. 1. cap. 7.

Adhibetur præterea si copiosus humor in pericardio colligitur, qui suffocationem affert, & cor obruit, auctore Riolo in encheir. anatom.

Exerceri eam quoque posse in tympanitide autumat Fabric. ab Aquapendente lib. de operat. chirurg.

Laryn.



Laryngotomia à *Fonseca* pariter Ὠδανένησις dicitur.

Hanc quoque felici cum successu adhibitam fuisse aliquoties in hypofarca testatur *Schenckius lib. 3. obs. de hydropo. Vide etiam comment. Hellerii in aph. Hippocr. 27. lib. 6.*

Verum de his omnibus non erit sermo, sed tantum de eâ paracentesi h. l. in specie acturi sumus, quæ in hydropis specie ascite nominatâ contingit, quæ celebris est & vetustissima ad diluvium microcosmicum educendum, quæ & generis nomen retinuit, cuius quoque *Cous* mentionem fecit lib. Ὠὲ πύθων, de locis in homine, 6. epidem. §. 7. text. 8.

ΣΤΝΩΝΤΜΙΑ notatu digna. Præter paracentesin alii plura operationi huic imponunt nomina.

PERFORATIONEM abdominis cum *Masfaria*, *capite de hydropo*, & *Aquapendente libro de operat. chirurgicis* vocant recentiores.

alii eam apertionem abdominis nuncupârunt.

In Gallicâ lingvâ exprimitur piqueure, ponction costiere, ou paracentese. Vide *Andr. Laurent. lib. VI. anatom.*

ΕΤΥΜΟΛΟΓΙΑ agmen claudit, & Ὠδανένησις derivationem suam habet à præpositione Ὠδ & verbo κεντῶ, i. e. pungo.

## CAPUT III

definitionem subjungit  
πραγματώδην.

Probè perspectâ & cognitâ definitione nominali, necesse est, ut ad realem nos convertamus. Definitur optime ita:

Ἡ Ὠδανένησις est solutio continui partium carnosarum, præcipuè abdominis, arte quâdam singulari cujusdam periti chirurgi, & adminiculo instrumentorum instituta, ad omnem humoris aquosi, & vitiosæ materiæ in abdomine stagnantis abundantiam eliciendam.

GENUS seu RATIO FORMALIS λύσις τῆς συνάφης rectè constituitur.

Cogi-



Cogitandum nunc, ad quam operationum chirurgicarum speciem hæc solutio continui sit referenda.

Nos optimo jure eam ad speciem, quæ *διαίρεσις* dicitur, reponimus; cum partes carnosæ ventris inferioris conjunctæ & continuæ dividantur.

Hæc λύσις τῆς συνεχείας maximè ut genus hic locum habet. Sive enim abdominis perforationem, seu divisionem, vel apertionem dicas, perinde erit, & res eodem recidet; Quippe absque continui solutione nullo modo dicere licebit.

Hæc λύσις τῆς συνεχείας instrumentis arte chirurgi peracta à nobis dicitur, ad evitandam eorum censuram, qui solutionem continui, cum quid sit præternaturale, & numero tertii morborum generis annumeretur, generis loco incongruè à nobis poni, objiciunt. Sanè longè alia est hujus, quàm præternaturalis solutionis ratio. Non administratur, ut anima ægrotantis ad loca silentium penetret, sed ut sanitas amissa restituantur.

Humores vitiosos & aquosos educit, dum illa materiæ ferossæ, aquossæ & corpori alendo planè inutili in capacitate ventris inferioris generatæ, conclusæ, & partes nutritioni dicatas corrumpenti patentes exeundi fores aperit.

## CAPUT IV

τὸ ὑποκείμενον, *subjectum*  
*exponit.*

**D**E subjecto paracenteseos constituendo, ut simus solliciti, artis lex imperat, & suadet, ne illotis quasi manibus ad ipsam operationem accedamus.

Qui enim istius cognitionem non habet, & tamen ægrotantes sanare vult, coeco viam ignoranti, & tamen baculo eam inquirenti optimo jure est comparandus, ut censet nonnemo, non minus benè quam eleganter.

Subjectum primarium apertionis tertium ventrem constituimus. In eo enim hæc operatio chirurgica, encomiis non satis de prædicanda, locum habet.

Verum



Verum terra contentiois inter medicos clarissimos reciprocatur, quæ pars abdominis pro potissimo subjecto sit agnoscenda.

Sunt, qui volunt, pro subjecto primario esse habendum umbilicum, eumque perforandum esse. Horum ferè agmen ducit *Andr. Laurentius*. Quant à moy, scribing, j'estime qu'elle se peut faire plus à propos au milieu du nombril. i.e. *Quod ad me attinet, existimo illam optime fieri posse in medio umbilici. vide lib. 6. anatom.*

Hunc *Carolus Piso* in tractat. de morbis à serosa colluvie ortis, & *Guilielmus Fabricius* cent. 1. obs. secuti sunt. Quid autem de hac operatione statuendum, dicetur cap. 9. nostra disputationis.

Aliis subjectum interdum est scrotum, & pro loco operationis habetur convenientissimo, inter quos *Massarias* ferme primum occupat locum. Putat enim eam dignam, quæ revocetur, cum absque ullâ molestiâ, sine ullo vitæ periculo, & cum summo emolumento aqua in abdomine coacervata evacuetur. Hanc sententiam *Platerus* amplectitur.

*Ibn Tsina* canonis libro 3. sectione 14. tractatu 4. cap. 13. non unum observat locum. Si hydrops generetur ex partibus juxta intestina locum habentibus, aut causa est in intestinis, jubet facere sectionem rectam sub umbilico tribus digitis distante; Si fuerit ex latere hepatis, fiat incisio à latere sinistro. Si lien laboret ac tumidus sit, à dextrâ parte sub umbilico tribus digitis similiter.

Communi consuetudine receptum ad latera sub umbilico pungere. De his cap. 9. hujus dissertationis fusius.

## CAPUT V

### *causam annectit.*

**C**Ausa hujus operationis nulla accusari potest alia, quam hydrops, cui hosti tam crudeli seculum hoc nostrum luxu pene diffuens januam satis patentem aperuit.

Ad eum removendum sæpe cogimur nobilissimam hanc operationem chirurgicam aggredi.

B

Quip-



Quippe hujus beneficio optimè infimum ventrem à saburrâ vitiosorum, serosorum & aquosorum humorum, qui à debilitate viscerum internorum producuntur, atque inter peritonæum & omentum, tanquam in utre quodam eum paucissimo spiritu continentur, liberamus.

Imò hæc adhibitâ haud raro ægrotantes alterum pedem jam in cymbâ Charontis habentes, qui nullis aliis remediis generosis propinatis curari potuerunt, diu desideratâ sanitatî iterum restituuntur.

Congruè sanè hæc quæstio hîc inferi potest, *an in omni hydropis specie tuto perficiatur?*

*Sennertus* arbitratur, eam non asciti tantum, sed & reliquis hydropis speciebus, si aqua est permista, competere. *Vide lib. 5. Institut. part. 1. §. 2. cap. 7.*

Ita in leucophlegmatiâ nonnulli in parte tibiæ interiore quatuor digitis supra malleolos secant.

*Alii* crura aperiunt, vel etiam scalpello, aut cauterio partes in brachio supra manum dividunt, ut seroso humori, insidias vitæ struenti, exitus pateat. *Vide comment. Hollerii in aphor. Hippocratis 27. §. 6. Aëtium lib. 10. cap. 30. Schenckium lib. 3. observat. de hydrope.*

Eam quoque in tympanite, ubi abdomen instar tympani est tensum, & si manu percutiatur, similem sonum edit, locum invenire existimat *Fabricius ab Aquapendente* in operationibus chirurgicis, cum raro flatus eum generantes solam in abdomine conclusi teneantur, sed ut plurimum aqua iis admista sit. Quemadmodum in ascite non aqua sola dominatur, sed flatus etiam in cavitate abdominis continentur.

Nos autem tanti auctoritatem illorum non facimus, ut pedibus, quod dicitur, nedum totis animis, in illorum sententiam minus probabilem descendamus. Sed potius opinionî *Pauli Aeginetæ*, scriptoris gravissimi, quem *Aben Rasched* nunquam sine aliquâ laudis præfatione allegat, assentimur. Hic vult in nullâ aliâ hydropis specie eam convenire. Hoc *Practici* fere omnes monent.



Huic etiam sententiæ subscripsit Nobiliss. experientissimusque  
Dn. D. Johannes Arnoldus Friderici, Botanices, Anatomes & Chirur-  
gia P. P. in hac Salanâ nunquam satis laudatus, præceptor ac stu-  
diorum meorum promotor omni honoris cultu prosequendus in collegio  
anatomico-chirurgico nuperrimè habito, cum ageretur de *ᾠδὴν τοῦ*.

In tympanite qui eam adhibent, periculosa plenum opus  
aleæ tractant, & in aëre piscantur, cum flatus per foramen  
in abdomine factum non egrediantur. Nihil itaque aliud fa-  
ciunt, quàm ut ægrum macerent.

Ne nimis præcipites simus in ejus administratione, si  
quis ascite correptus sit, sed priùs benè, antequam ad eam  
devenimus, cum indicantia, tum contraindicantia conside-  
remus.

Instituenda itaque est paracentesis, Primò quando vires  
nondum à morbi vehementia sunt prostratae. In valde enim  
debilibus hanc exercere est actum agere. Verba sunt Ibn Si-

na loco citato: *واما البز من الممران*

*فاعلم انه قد ما فجع الا قبي قوت*

*البدن جدا اذا قدر بعدة على*

*ردا صفة معتد له او عطش وتقليل*

*غداوة ولا تقدم عليه ما لم يكن*

*علام غيره* i. e. De incisione verò mira scias, quod parum

proficit, nisi in corpore valde forti, quum potens est hoc modo tolera-  
re exercitium temperatum. Et oportet, ut non audeat fieri, dum pos-  
sibilis est cura alia.

Quare ii pessimè sanitati ægrotantis consulunt, qui hoc  
præsidium ad extremum differunt, quando videlicet ipsa mors  
jam est in limine.

Hæc enim est ratio, cur plurimi post administratum hoc  
salutare remedium Charonti naulum persolvant, ut phrasi



poëticâ utar, quia hodie ferè nemo eam tentare audet, nisi re desperatissimâ, & viribus fractis consumptisque. Tum enim ægri adeo debiles sunt, ut minimâ spirituum evacuatione vitam cum morte commutent.

Secundò uti eâ convenit, cum brevi temporis spatio tumor ad insignem magnitudinem pervenit, & reliqua medicamenta salutaria aquam è corpore non educunt, quod etiam *Fabricius ab Aquapendente in operat. chirurgicis* docet, inquit: Non in mitissimo, aut incipiente, aut qui medicamentis cedit, aut qui cessurus speratur perforare est oportunum, quia tantum extremis morbis extrema sunt adhibenda remedia. Hoc quoque *Hippocrates aph. 6. s. 1.* inculcat, scribens: ἐς τὰ ἐχρότα νοσήματα αἱ ἐχρόται θεραπεῖαι ἐς ἀκρότατον καὶ πύκναι, i. e. Ad summos morbos summa ad unguem curationes adhibita optime valent.

Tertio secare licet si hydrops ascites febrem non habeat, pedissequam: Si autem febris eum comitatur id faciendum, esse in intermissione, vel remissione præcipit *Hollerius in comment. in aphor. Hippocr. 27. s. 6.* Vide *Schenckium in observation. medicin. lib. 3. de hydrope.*

Quartò fiat antequam aqua hydropicorum diutius retenta putredinem quandam sibi acquisivit, & ab eâ viscera coctionibus publicis destinata ita sunt læsa, ut nullo modo ad pristinum statum reduci queant. Hoc probè novit *Hippocrates in porrhetic.* ita scribens: Si quis ab hydrope se sperat servatum iri ac restitutum, εὐαλαγχρον εἶναι i. e. integris esse visceribus oportet. Aliàs enim frustra laboramus.

Si omnia exempla, quæ monstrant, omnes istos ex administratione istius operationis id temporis factâ periisse, adducere vellemus, in maiorem molem hæc nostra dissertatio excresceret, quàm *Homeri*, ut dicitur, est *Ilias*. Verùm cum hoc multis sit tædiosum, iis supersedebimus, & tantum unicuique hoc, quod legere est apud *Schenckium loco citato*, proferemus, & illud nobis erit instar omnium.

Verba ipsius ita sese habent: Mulierem quandam ascite laborantem *Herbipoli* meâ manu aperui, quæ,eductâ paulatim magnâ aqua



aqua copiâ, se plurimum sentiebat relevatam. Sed quia morbus jam ad summum pervenerat, & vires planè erant dejectæ, paucis diebus interjectis placidè extremum diem obiit. Eandem igitur mortuam à cognatis & marito rogatus, cum dissecuisssem, hepar inveni (ut in plurimis aliis, qui eodem morbi genere perierant) omninò durum, & colore suppallido, perinde ac si coctum fuisset. Ipsa vero hepatis substantia, (quod admiratione videtur dignum) interius tota erat granulosa, granis nimirum quantitate pisorum ubique apparentibus.

Quinto onus incidendi hydropicos suscipiatur, si æger adhuc in florente ætate est constitutus. Frustra enim hoc præsidii genus tentari in depontanis testatur Mich. Joan. Paschal. lib. 1. cap. 44. methodo curandi scribens: Patavii cum præsentè Savanarolâ & aliis medicis clarissimis & experientissimis Joanni Ludovico J. U. D. eximio sexagenario abdomen aperiretur, in manibus chirurgorum subito animam efflavit. Monet itaque rectè Schenckius, ne medicus præcedente mortis prælagio in iis, qui senio confecti, viribus omnibus spoliati, & visceribus corruptis sunt præditi, operationem hanc suscipiat, ne postea faba in eum cudatur, quod plerumque accidit, si eventus non respondeat, nec ex voto succedat.

Neque etiam eam tentandam esse in puero vult Fienus, cui Celsus adstipulatur inquiens: Pueros perforare est valdè periculosum. Galenus quoque fatetur, se nunquam vidisse puerum perforatum.

Sexto attendatur necesse est, an substantia pulmonum, ulcere sit affecta, vel æger alvi fluxu, aut corpore emaciato sit præditus. Hæc si adsint, monente Sennerto, venter non est aperiendus.

Tandem observandum quoque an partis alicujus corruptela ad hydropem fores aperuerit. Si nempe obortus à scirrhus vel hepatis, vel lienis, aut à morbo acuto, ut vult Sennertus, tum hæc operatio non est tuta, quia exin ægrotanti auxilium nullum affertur, & æquè benè, etsi aqua evacuaretur, adhuc postea moreretur.

Hæc benè à medico perpendantur oportet, si sectione abdomen aperturus est. Aliàs tantam ignominia notam sibi



inurere potest, quam vix omnibus undis Oceanus, nympha-  
rum ille genitor, eluerit.

## CAPUT VI

### *differentias ob oculos ponit.*

**D**ifferentiæ, quæ hic excogitari possunt, omnes ferè à sub-  
jecto desumuntur.

Ita *ἐν τῇ σκρότῳ* alia fit in scroto, cuius Fabricius ab Aqua-  
pendente loco citato meminit.

Alia fit in ipso umbilico, de qua vide Andr. Laurentium.

Alia infra umbilicum transversum ad latera. Alia supra  
umbilicum.

Tandem & modus operandi differentiam nobis submini-  
strat, dum ut plurimum sectione, interdum etiam ustione per-  
ficitur.

## CAPUT VII

### *signa paracentesin, quando sit necessaria, indicantia recenset.*

**E**xpositis differentiis sequitur consideratio signorum. Hæc  
quam sit necessaria in omnibus paræmia summi dictatoris  
lib. *ἢ ἅπλῃ* sub firmam ita sonans, docet: *μόνῳ ὁ πῶν σημείων  
ἐμπειρῷ, εἰκότως ὀρθοῦται* i. e. Solus is, qui signorum cognitionem  
sibi comparavit, ritè omnia aggreditur.

Hinc fas erit paucis signa eam indicantia subijcere.  
Quippe secundum Philosophum *ἕκαστος κρίνει καλῶς ἢ γι-  
νώσκῃ, καὶ τοῦτων ἐστὶ ἀγαθὸς κριτής* i. e. Unusquisque de iis bene  
judicat, quæ cognoscit, & horum optimus est censor.

Suscipienda est hæc operatio, quando ingens humoris a-  
quosi, & serosæ colluviei proventus in ventre inferiore est co-  
acervatus, ex quo venter in tantum tumorem est sublatus, ut  
disruptionis periculum singulis momentis quasi impendeat.

Subducenda est quoque aqua hoc præsidio chirurgico, si  
medi-



medicamenta ex fonte pharmaceutico desumpta, quibus morbi sævities seu atrocitas sæpe devicta & sanitas restituta est, in cassum propinantur. Et quando natura, quæ ab Hippocrate 6. epidem. comment. 5. t. 1. *ιατρὸς νόσων* appellatur suo officio deficit. Solet enim illa nonnunquam laxatis meatibus majoribus per alvum, & minoribus per urinam microcosmicum diluvium profligare. Vide Dn. præsidis, patroni & præceptoris mei aviternum de venerandi methodum medicina generalem.

Sed hic nonnullos cum Erasistrato dicere audio: medicos istos paracentesi asciticos curaturos *ἐὐθυσίαν* exteriorum, quâ arte noviter inventâ homines eruditè jugulantur, optimè didicisse, cum ex centum vix decem sanentur, & res periculosissima sit. Volunt itaque, satius esse permittere, ut hydropici in suo sterquilinio moriantur, quàm quòd ars chirurgica profanetur, & ludibrio exponatur.

Verùm nos in castris præsidis illorum non versamur, neque illorum argumentorum tanta vis est & efficacia, ut nos à semel præconceptâ opinione, quemadmodum Avicennam & Gordonium, abstertere possint.

Semper enim Calii Aureliani, medici nobilissimi testimonium & auctoritatem ante oculos habemus. Hic scribit: *In medium proferre audent, omnes ex hac vita discesse, quibus ventre perforato aquaeducta est; sed mentiuntur.* Et rectè quidem; Multos enim adhibito hoc remedii genere amissam sanitatem recuperasse, constat. Si autem nonnulli fato abrepti fuerint, contigit id vel tardius, vel negligentius administratæ paracenteseos culpâ.

Et quamvis hoc præsidium aliquid periculi conjunctum habeat, & sæpe homini ultimum existat viaticum ad alteram vitam, tamen ideo non rejiciendum; sed cum asciticis ob tumorem maximum, vel ob symptomatum immane quantum urgentium injuriam, aut ægri, medici, vel adstantium incuriam eò fit deventum, ut sanorum catalogo inscribi iterum nequeant, nisi arte, paracentesi factâ, dictum factum humores aquosi iis subducantur, à medico nullo modo (nisi eidem socordiae stigma inuerere



inurere & crudelis videri libuerit) monentibus ita *Abul. Ibn Sina, Ballonio, Trincavellio & aliis*, sunt derelinquendi, sed opere operaque omni eò collimandum, quoniam modo ac remedio vita eorum, qualiter qualiter licet, sit sustentanda, & extendenda, naturaque semper est irritanda, an in suum centrum revocari possit.

Et hoc obtinere possumus, quando humor serosus est emissus.

Quippe tum medicamentis data est facultas vires suas iterum exferendi, quas antea non poterant, cum ille in abdominis capacitate adhuc erat incarceratus.

Nihil est intermittendum, ut vita producat, & dulcedo vitæ concilietur, quantumvis integra sanitatis possessio dari nequeat. Sæpè in summâ desperatione salus in vico proximo ægrum excipit, quæ omnem ipsi videbatur dudum abiurasse operam. Sæpe fiunt monstra in arte.

Melius itaque erit experiri aliquid, quàm ægrum absque remediis mori permittere. Quippe dubia salus certâ desperatione est potior, & satius est anceps experiri remedium quam nullam, præsertim ubi spes nulla salutis superest, nisi Deus ex machinâ aliquâ affulserit.

Nec frustra chartam maculabimus, si addiderimus *Valeſci de Taranta & Freitagii* dictærum: Homo opus incipiat, Deus exsequendo perficiat. Verè enim dum ægro anima est, spes est. Vide si lubet hac de re *Roderici à Castro medicum politicum p. 175. Joann. Nardii noct. genialium annum 1. noctem tertiam.*

Inde rectè eam adhibere licet in casu necessitatis. Testantur hoc *Hippocr. Galenus, Fienus & alii*. Et rectè cum *Laurentio loco citato*, cujus verba ita sonant, dicimus: la raison & l'autorité de plusieurs grands personnages nous font croire, qu'elle se peut faire en toute assurance i. e. ratio & authoritas plurimorum gravissimorum virorum facit, ut credamus, eam tuto administrari posse.

Ratio ejus hæc est: car puisque ces caux croupissantes



ne se peuvent evacuer par aucuns medicamens ny internes, ny externes c'est pourquoy n'y employra t'on l'incision ausfi bien qu'aux autres tumeurs aqueules & pituiteuses, principalement, que les parties, que l'on y pique & blesse sont, toutes ignobles i. e. *Nam quia hæ aque corrupta nequeunt neque per interna, neque per externa medicamenta evacuari; quare etiam non hîc tam commodè incisio, quàm in aliis tumoribus aquosis & pituitosis fieri poterit, inprimis cum partes, quæ hîc punguntur & leduntur ignobiles sint.*

Prætorum vix quispiam est, qui non præcipiat, aliis remediis omnibus non iuvamen afferentibus, sectionem instituendam esse.

Curatos plurimos esse, quibus forte fortuna venter vel vulneratus, vel disruptus est, historiæ passim docent. Ita narrat *Schenckius*, hydropicum quendam abdomine malitiosè perfosso; & mulierem sexennium asciticam, casu in lapidem impingentem, & ventrem vulnerantem, convaluisse.

Si itaque casu facto vulnere, & aquâ effluente ægri à malo liberantur, cur non & nos artificiali vulnere facto id obtineremus.

Exempla plurima leguntur apud *Vidum Vidium lib. 10. cap. 15. lib. de curatione membratim. Marcell. Donatum lib. 4. cap. 21. Michael. Paschalium cap. de ascite, & alios ubi natura spontaneo modo umbilico aperto patentes sibi vias quæsit.*

Quare & medici, qui naturæ sunt ministri, in casu desperato humori noxio per locum aliquem idoneum viam struere non auderent?

Rigorosi nonnulli medici, quod obiter monitum volo, non hydropicis tantum, sed & aliis quoque v.g. podagræ, quartanæ, lepræ, cancrique mancipiis hanc sanitatem, recuperandi gloriam suffurari fuere ausi. Hinc natale accepit illud:

*Hydrops, quartana & medicorum scandala plana  
& id Vatis Peligni*



*Tollere nodosam nescit medicina podagram*

Verum jam non testes ex demortuis advocare est animus, temporis & chartæ redimendæ gratiâ, qui sapius de edomitibus his, freti divino auxilio, triumpharunt, & si hospites hos ingratos non planè è territorio corporis ejecerunt, torvam tamen mortis crudelitatem ad tempus exoraverunt.

Audiatur ex iis Hartmannus, qui bis lepram confirmatam curavit, & præterea addit: *Verum enim verò cum accusare naturam alicujus deficiantia non liceat, utpote quæ divinâ potestate facta sit & magnarum & incredibilium virtutum arcanis, quidni his dextris cognitis & præparatis omnes morbos curare posse credimus. Vide præxin ejus pag. 293.*

Verum jam vivos loqui jubeo testes hydropicos, epilepticos, quartanarios, qui quanta beneficia cum ab aliis, tum à nobilissimo DN. Præside acceperint, & adhuc accipiant, ipsi famitate reduce superbientes attestatum ibunt.

## CAPUT VIII

*de prognosi agit.*

**N**ihil præstantius in arte medicâ existit, eloquente oraculo *lib. i. epidem. quàm προλέγειν τὰ ἐσόμενα i. e. prædicere futura.*

Futura enim monendo, pericula prædicendo, & incurabiles non attingendo admirabilem se reddit medicus apud omnes, & tantam auctoritatem, tantamque famam sibi conciliat, quam nulla unquam ætas delere poterit, imo efficit, ut, instar numinis à nonnullis habeatur.

Prognosin itaque paucis subjicimus. Hæc variè à variis non uno & eodem filo & stylo instituitur.

Salutem hydropico ex hōc præsidio chirurgico, nunquam satis laudato, non omnes promittunt, odiō vatiniano hoc prosequentes, atque illud tanquam execrandum, inutile, & summo cum periculo conjunctum auxilium proclamantes.

Verum vehementer & toto cœlo hi errant. Planè enim non est horrendum, neque inutile, ut demonstratum est.

Si



Si ergo signa hoc remedii genus indicantia, cap. 5. paucis assignata, adsunt, & in tempore adhibetur sectio à chirurgo perito, qualem Celsus in proëmio lib. 7. describit, tum certè præfagire nobis licet, hoc malum in salutarem eventum terminatum iri.

## CAPUT IX

### *tempus designat.*

**D**atâ prognosi & examinatis examinandis ad operationem nos accingimus, quæ ut rectè perficiatur, nonnulla accuratè sunt perpendenda.

Inter illa tempus sese primò nobis offert. Hic Comici illud locum invenit : *In tempore venire omnium rerum est primum*: Dimidium enim facti habemus, si oportuno tempore sectionem istam suscipimus, neque errorem in illo committimus.

Eleganter dictator Hippocrates jamdudum nobis istud aperuit, qui contra mille alios hac in parte contradicentes sufficit; cum tanquam novus Archimedes machinamenta medicinæ sustineat. Verba ipsius ita sese habent : ὑδρωπευόμενοι καὶ ἀσθενεῖς, Φθινοῦσιν εὐτίμα καὶ ἰσχυρὰ i. e. Hydrope vexati statim secandæ sunt, empyemate laborantes statim urendi.

Illud autem εὐτίμα cum Hippocrate interpretamur lib. de internis affectionibus initio morbi. ταῦτα καὶ δεχασθαι, ait, ποιεῖν τοῦ νοσήματος i. e. in principio morbi hac sunt peragenda.

Hæc quâ ratione plenius sint intelligenda, autor alibi, & inprimis libro περὶ τῶν ἐν ὁσέσιν παθῶν demonstrat, ubi præcipit curaturo ascitem, ut non statim hoc remedii genus arripiat, sed prius alia in usum trahat, quibus hostis hic, vitæ nostræ infensissimus, sæpe felicissimè à corpore exturbatus est. Ordinem hunc indigitavit Hippocrates sect. 8. aphorismo 6. inquiens : ὅσα φάσματ' ἔσονται, σιδνεῖσθαι; ὅσα σιδνεῖσθαι ἔσονται, πῦρ ἔσται, ὅσα δὲ πῦρ ἔσονται, ταῦτα καὶ νομίζεσθαι αἰνῶτα



*αῖμα* i. e. *Quaecunque non sanant medicamenta, ea ferrum sanat: quæ non ferrum sanat, ea ignis: quæ ignis non sanat, ea incurabilia judicare oportet.*

## CAPUT X

*delineat ante punctionem agenda.*

**G**ravitatis plena est præceptio, ab Abuali principe propo-  
*ita: quod non audeat fieri punctio, dum possibilis est alia cura.*

Per hanc intelligitur diætetica & pharmaceutica. His  
 optimè ventris tumorem aquosum nonnunquam depelli posse  
 docent quoque *Pietro & Lodovico Rostini medici in trattato di  
 tutta la chirurgia pag. 112. ita dicentes: à curar l' acquoso tu-  
 more ecco quattro indicationi. La prima è, il vivere sia at-  
 tenuante, calefaciente, & esiccante. La seconda è, che si  
 rettifichi la concottione. La terza è, che si espurghi l' humo-  
 re acquoso per il ventre, perche il ventre di ciò è pieno. La  
 quarta è, che questo humore acquoso si espurghi per l' orina.*  
*i. e. ad curandum aquosum humorem, ecce quinque indicationes. Pri-  
 ma est, ratio victus sit attenuans, calefaciens, & exsiccans. Se-  
 cunda est, ut concoctio corrigatur. Tertia est, ut humor aquosus per  
 ventrem expurgetur, quoniam venter eò est plenus. Quarta est, ut  
 hic humor aquosus per urinam educatur.*

**PURGANTIA** itaque commodè hîc locum habent,  
 humoribus peccantibus accommodata, per alvum, urinam,  
 sudorem, vomitum &c. in formâ solidâ vel liquidâ. Repe-  
 riuntur quidem nonnulli, qui fluida rejiciunt, verùm minùs be-  
 nè: si enim æger istis fuerit assvetus, cum commodo exhi-  
 beri possunt. De iis quæ humores istos evacuant, commen-  
 taria omnia sunt plena.

**BR Y O N I A** **INDIÆ OCCIDENTALIS**, **MECHOA-**  
**CANNA NIGRA** **GIALAPA** dicta, selecta, exterius nigri-  
 cans interius ob copiosam resinam magis rufescens, & si igni  
 admoveatur, flammam promptè concipiens, in suo symbolo  
 hanc gerit sententiam: *ωφέλιμη καὶ μὴ βλαπτική* i. e. *juvare &*

*non*



non ledere. Juvat asciticos & non lædit. Datur à Ὁj, 38. officium facit stupendum. Addi potest elæosaccharum anisi ad gr. ij. Ejus magisterium magnas habet virtutes hydragogas, ad gr. xvj. xvij. cum conserva rosarum exhibitum in formâ boli.

Cenforia est sententia Petri Poterii observ. & curationum centuria 3. cap. 39. Elaterium, Jalappa, mechioacanna radix, gummi gotta, soldanella, medianus cortex sambuci, ebuli semen, & alia pleraque communiter usurpata, ut plurimum non modò non sanant, sed potius morbum augent, & misellos in pejus precipitant.

Verùm fulmen hoc gialapium non turbat. Constans in eo manet bonitas.

ΚΡΑΜΒΗ ΘΑΛΑΣΣΙΑ ἢ θαλασσοκράμβη brassica marina ab Arabicâ lingvâ dominatus titulum impetravit. Exerctet eum in educendis aquis hydropicorum quorundam judicio.

Cristas erigunt, qui illam innoxie adsumi posse negant, sed correctâ benevolum facit officium.

Ex duobus tale confieri potest medicamentum.

Rx. radice jalappe pulverisatæ gr. xvj.

fol. soldanella pulv. 38.

salis eupatorii

fraxini a. g. i.

eleosacchari nucis moschatae destillatæ g. iij.

M. S. Purgierpulver auff einmahl.

Sal fraxini à Simone Pauli præfertur lapidi bezoardico in quadripartito.

ΕΛΑΤΗΡΙΟΝ optimè præparatum, quod notas habet bonitatis à Dioscoride assignatas, fursum & deorsum purgat aquas, in abdomine non solum, sed etiam in vasis stagnantes. Corrigere id jubet Heurnius pilulis mastichinis. Eandem correctionem Sylvaticus approbat centur. 3. consil. 34. quia mastix ventriculum roborat.



Rx. elaterii ℞.

salis cinamomi gr. vj.

pilularum mastich. g. xv.

cum aqua agrimonie F. pilula.

RIVAND TZINI seu Rhabarbarum quamvis non convenire hydropicis aliqui censeant, imò *Capivaccius* ceu veneno, eo hydropicis interdicit, cum non aquas, sed bilem vacuet, alii ut præservativum, non curativum admittant: alii tamen extollunt, cum hoc non solum jecori, & ventriculo proffit (dicitur enim vita jecoris & ventriculi) sed etiam secundariò seroso humori evacuando inserviat, hîc adhibere præcipiunt.

SUCCUS INDICUS purgans, quem *Bontius tractatu de medicinis Indorum cap. de hydropse* succum tithymali censet esse in taleolas redactum, *Chrysopus Peruanus* etiam dicitur. Magisterium inde paratum ὀδὸς γωγόνος est insigne, ad ℞ exhibitum. Spiritu ☉li etiam volatilitas ejus figitur.

Extollitur simul laudibus ☿ius vitæ ☉laris, quo *Begvinus* cum *Doctore Vauterio*, referente *Hartmanno in Croll.* duos hydropicos à medicis relictos restituit.

Ex eo pilulæ tales parari possunt.

Rx. extracti eupatorii gr. vj.

☿ii vitæ ☉laris gr. iiij.

magisterii matris perlarum

gr. ij.

olei cinamomi gutt. i.

F. c. sirupo eupatorii pilule numero XI.

Numero impari eas præscripsimus, ut populo satisfaciamus. Persvasum enim hic sibi habet, earum virtutem suppressi, si numero pari exhibeantur.

Sunt qui hunc errorem rationibus stabilire conantur, quòd nempe hæc ratione ventriculi latera undique melius contingantur, & camini instar extergantur. Adhæc addunt illud *Poëta*

*Numero Deus impare gaudet.*

Verum



Verum cum quantitatis nulla sit efficacia, ut anile commentum rejicimus.

De his purgantibus eruditè Excellentissimus & Nobilissimus D. Bowizius, Medicina D. & Practicus Jenensis felicissimus, præceptor meus fidelissimus & summè honorandus in collegio formularum nuperimè habito differtit.

Adhibitis purgantibus progressum faciamus ad DIURETICA, quæ sint temperata. Usu enim horum, & hepar roborantium multos esse servatos refert Simon Pauli. His si placet hydrotica adjungantur.

Tale est illud quod parat Hippocrates ex cantharidibus. Iis restitutos esse desperatos scribit Capi-vaccius. Quomodo rectè præparentur dicit Massarius libro de affectibus renum & vesicae, & Bartholinus centuriâ s. observat. 81. optimum modum eas exhibendi depingit.

Si autem has usurpare nolumus, prius sequens potio propinetur.

Rx. ligni sassafras ℥iv.

folior. agrimonie Mj.

radicis asparagi

petroselini ā. ℥j.

pulver. vermium Tritum ℥ij.

infundantur in s. q. aquæ saxifragæ.

Stent in infusione per noctem.

Postea in vase clauso ebulliant

Colaturæ Rx. ℥vj. Adde

sirupi parietaria ℥ij.

Œis genista gr. xv.

D. S. potio auffs 2 mahl.

LIGNUM SASSAFRAS summè hîc proficuum. Præ reliquis diureticis hanc vim à naturâ obtinet, ut ventriculi vires conservet, calidum innatum augeat & roboret, moderatèque exsiccet.

Vermes & tres à Smetio libro 4. miscellan. summis encomiis evehuntur.

Dein



Dein suadet Hippocrates loco citato ut recta in sex rerum non naturalium usu norma instituat. Inprimis bona virtus ratio attendatur necesse est. Hæc enim quantum faciat ad curandum hydropem, Celsus præter quotidianam experientiam libro 2. cap. 22. ostendit.

Si his medicamentis morbus contumax & rebellis non cedit, autor sæpius citatus ὁρμήντων ἀντίνα i. e. statim esse accelerandam monet, antequam aqua ulteriorem & maiorem putredinem contrahat, partesque corrumpat. Cum enim adhuc εὐσπλαγχνοί sunt, spes reconvalescentiæ superest. Si autem viscera sunt depravata, sicut & in ascite, qui à scirrholienis, vel hepatis, aut à morbo aliquo acuto existit, qui per se lethalis esse solet, frustra hoc præsidium tentatur & anima cum aquâ educitur. Hoc testatur Andr. Laurentius ita in anatomicâ suâ scribens: Car c' est sans aucun fruit, quæ l' on tire l' eau, qui se fait, quand les entrailles sont desjà gastées & hors de leur naturell i. e. abque fructu emittuntur aquæ, cum viscera corrupta, & extra statum naturalem sunt. Exemplum invenies apud Capi-vaccium, Ambrosium Paræum, Henricum Smetium, & alios.

## CAPUT XI

### Locum ostendit.

**N**Ecessitas efflagitat, ut locus huic sectioni accommodatus examini subjiciatur. Eum enim nisi quis cognoverit, ægrotantem facillimo negotio vitâ suâ spoliabit.

Non enim est res una eademque quæ pars ventris incidatur, licet tota ejus cavitas aquoso humore sit impleta.

Pessimè sanitati hydropici prospiceretur, si scalpello incisorio, vel cauterio potentiali regio hepatis, lienis, vel ventriculi tangeretur, aut si statim sub hypochondriis, sive in imâ parte abdominis prope vesicam sectio administraretur. Unde Hippocrates 6. de morbis vulgaribus dicit: Hydropicorum pectinem non contingito.

Aqua



Aqua enim, licet apertio fiat in locis superioribus, infra umbilicum stagnans, non egredietur.

Locus itaque eligendus, qui ad aquas evocandas idoneus, quique à visceribus & à partibus vitæ inservientibus remotus est, ne ex illarum læsione in vitæ naufragium æger incidat.

*Andr. Laurentius*, cujus cap. 4. jam mentionem fecimus, mordicus tuetur, umbilicum viam esse ad humorem asciticorum abundantem eliciendum commodissimam, utpote quam natura non solum ipsa quærit, sed etiam sæpè aperit. Fulcit hanc suam opinionem *aphorism. dictatoris summi XXI. s. 1.* αὐτὸς ἀγνοῖ, ὅτι ἀνυπόστατος ὁ πύθων, ταύτην ἀγνοῖ, ἀλλὰ τῶν συμφορῶντων χωρίων i. e. *Quæ educere oportet, quò vergunt maximè, eo ducito, per loca convenientia.*

Adjicit præterea plurima exempla, quibus monstrat, ab istâ evacuatione, observatis observandis, multos convaluisse. Hinc ab hac sententiâ ne latum ungvem aut digitum transversum discedere vult.

Neque *Sandorius* medicus Patavinus ab hac sententiâ recedit. Hic instrumento quodam fuit instructus formam siphunculi repræsentante, quo applicato singulari quodam artificio vasa umbilicalia coeuntia mire distensa sunt, ut tantum humoris, quantum voluit, quotidie extrahere potuerit. Qui desiderio flagrat id videndi, eum remitto ad *comment. in fen. Avicenn. 1. tr. 4. cap. 1. text. 12.*

Hujus apertionem *Guibhelmo Fabricio* non displicuisse videtur, eo inprimis adductus, quod in ascitico defuncto umbilicalem venam ita dilatatam invenit, ut facile penna anseris intrudi potuerit.

Verùm illorum opinio nostro palato non arridet. Ascite enim qui correpti sunt, umbilicum plerumque valdè retracts, nullo tumore conspicuum, sed profundum habent. Si itaque ejus sectionem quis aggredieretur, opus difficile & periculo haud vacans tractaret.

Periculosum hoc exin apparet esse, quia ad umbilicum

D

quatuor



quatuor vasa umbilicalia, quæ foetui in ergastulo uterino concluso nutrimentum advehunt, deferuntur.

Unde vena ad hepar ascendit, cujus beneficio umbilico annectitur: Duæ arteriæ, & urachus, quibus vesica peritonæo jungitur, & sustinetur, ne quando urinâ distenta cervix ejus comprimatur.

Quæ vasa optimè in nuperrimâ publicè habitâ anatomicâ à Nobiliss. Dn. D. Joann. Arnold. Frider. P. P. præceptore & patrono meo colendo fuere demonstrata.

Nunc facilè autem contingeret, ut aliquod istorum vasorum, ibi in unum coalescentium, lædatur, unde mors subito acceleraretur, sin minus, tamen ægrotanti deterius esset vivendum.

Nam illis, tanquam ligamentis, partes in ventre suspenduntur, quibus per vulnerationem disruptis, concidunt, & aliam sibi acquirunt situm suis operationibus planè inconvenientem.

Haud paucos accepto vulnere in umbilico placidè obdormivisse historiæ testantur. Confirmat *Laurentius* scribens: *aujourd'hui les Égyptiens punissant les voleurs, les escorchent tout vifs, & ils vivent ainsi fort long temps en grand tourment, si le bourreau ne touche point de son couteau au nombril, mais il le coupe, ils meurent tout aussitôt, à cause que ces quatre vaisseaux tombent. Vide p. 590. i. e. AEgyptii quando pœnas sumere volunt à prædatoribus, vivos illos excoriant, qui ita misère excruciantur, si carnifex caltro umbilicum non tangit vel ledit. Sed eo diviso citò vitâ privantur, quia quatuor hæc vasa concidunt.*

Difficilis etiam redditur, quia umbilicus in ascite nonnunquam adeò profundè est situs, ut difficulter attingi queat. Si autem accidit, ut natura planè inclinet, & hunc locum sibi eligat, ita ut umbilicus in amplam & pellucidam distendatur vesicam, & inter exteriorem partem, ac internam cavitationem & aquam tenuis tantum cutis intercedat, quæ vel ipso tactu vel digiti compressione ac perspicuitate deprehenditur, non negabimus istius perforationem esse commodam.

Quippe



Quippe tum locus ille non solum est valde elatus, verum etiam ab omnibus intestinis segregatus est.

Si vero ista laxitas non adest, meritò affirmamus, umbilicum secante instrumento non esse tangendum.

Quia durior admodum existit, & nisi cum aliquâ vehementiâ transfodi potest.

Facultas quoque fistulam commodè injiciendi, & aquam pro lubitu retinendi & emittendi nobis erit denegata.

Tandem & vix rationi consentaneum videtur, umbilicum filo sic constringi, & ad modum crumenæ seu marsupii adeò firmiter claudi posse, ut nihil aquæ profiliat.

Ab aliis alias partes ad humorem serosum, corpori periculosam molestiam creantem, educendum aperiri, legimus.

*Platerus*, vir doctrinâ & eruditione insignis scrotum eligendum esse monet, & addit, lancettâ, vel phlebotomo vulnus satis amplum ei infligendum esse, quo canna argentea ad aquam proliciendam imponi possit.

*Massarius* suffragium præbet, & ejus apertionem cum paracentesi ventris, tum crurum scarificationi, quæ in mitiore hydrope locum invenit, palmam longè præripere scribit, cum absque ullo vitæ discrimine, & molestiâ peragatur. Hujus beneficio mercatorem quendam asciticum, Vicentiæ viventem, è faucibus mortis eripuit. Perforato enim scroto trium dierum spatio 45. libras aquosi humoris cum summâ felicitate, & salute ægrotantis eduxit.

Perillustis & generosissimus Dn. Dn. *Henricus Sigismundus à Vippach*, Dominus in *Gumperda*, & *Hohenschwarm*, consiliarius Ducalis Saxonicus intimæ admisionis, & Capitaneus Arcium *Leichtenburgici*, *Orlamunda*, & *Rhoda* eminentissimus, post erysipelas poplitis sinistri diuturnum, multarum septimanarum decubitu, bonâque diætâ tandem curatum, incidit in hydropem ascitem, cum tumore pedum, & scroti magnitudinem capitis humani excedente. Cum pondus hoc ipsi esset molestum in sedili, & lecto, admisit *ἰσχυρὴν* scroti trajecto setaceo transversim. Duarum septimanarum spatio fluentibus undis



convaleuit ex asse, debitis in societatem honoris adscitis remediis. Quadrante anni elapso, de improvviso periit apoplecticus. In cadaveris aperti abdomine parum aquæ: in rene autem sinistro lapis ingens parvi ovi gallinæ cum curvâ caudâ, acutâ, oblongâ magnitudine, & multi lapilli minores reperti.

Non semper tamen reconvalescunt ægri, sed interdum, fatalis ægros excipit terminus.

Posteritatis memoriâ digna est reverendâ dignitate præcellentiissimi viri *DN. CHRISTIANI CHEMNITII, S. S. theologie Doctoris, professoris ac superintendentis vigilantissimiparacentesis.*

Hic post asthmaticam dispositionem, nonnunquam etiam orthopnoicam sine tussi & materiæ ejectione, ortam à sero in hypochondriis stabulante asciticus factus, admisit, punctiorem scroti in utroque latere, fluxerunt aquæ quinque septimanarum spatio, dies & noctes, sine intermissione. Tandem succubuit, & Deo animam reddidit.

**PRÆVIA GANGRÆNA** salutaris fuit punctio in strenuo & generoso *DN. Conrado à Mulich, Dn. in Bukerda & Rausdorff, Electoralis Saxonica militiæ equestris, sub colonello perillustri Friderico Wilhelmo Vice-Domino in* bator observavit excellentissimus præses. Ortus erat hic ascites ab erroribus diætæ pluribus nuptialibus, in usu spiritus vini, cerevisiæ, vini, & vigiliis. Pedes tumentissimi usque ad inguina, scrotum capitis humani magnitudinem superabat. Quaternâ octidui spatio factâ apertione serum est eductum, demum inflammabatur idem, mox cinereus apparebat color, & acidus advertebatur odor. Gangrænosa partes removebantur, donec nudi apparerent, testiculi. Aqua per ulcus effluebat die & nocte, cum sero lactis caprini, quod sitis & æstus viscerum restinguendi gratiâ largiter hauriebat. Tandem in integrum restituebatur ulcus, & scarificatione pedum institutâ illi etiam detumescebant.

Similem gangrænæ asciticæ historiam recenset *Guilhelmus Fabricius Hildanus centur. 1. observat. 48.* Sponte post gangrænam aperto scroto humores aquosi egressi sunt: qui postea adhibitis



bitis medicamentis huic malo analogis non solum reconva-  
luit, verum etiam multorum liberorum factus est parens, &  
Natura, provida rerum mater, testiculos denudatos callosâ  
quâdam substantiâ muniverat.

Si scrotum nullis humoribus repletum esse, neque natu-  
ram eò aquam protrudere deprehendimus, fugienda est hæc  
perforatio, cum frustra tentetur.

Periculosa hæc sectio non est, quia partes principales à  
læsione omni sunt remotæ.

MODUS administrandæ paracenteos in scroto cum  
observatione dignissimus sit, paucis indicabitur.

Aseiticus in cubili, vel sella, aut scamno, si vires id pa-  
tiuntur, sedeat erecto corpore, ita tamen, ut scrotum terram  
respiciat, & deorsum pendeat. Chirurgus mox lancettâ, vel  
phlebotomo arrepto partem secandam profundè nonnihil in  
utroque latere unâ, vel si non sufficit, duabus, aut tribus in-  
cisuris oblongis κατὰ πλῆγὴν ἢ συρμὸν cæsim vel tractim factis  
dividat, & per has aquam educat.

Observandum hic est, ut apertio ista in parte declivio-  
re, non autem versus penem fiat. Evocatâ enim aquâ scro-  
tum contrahitur, & gangræna nonnunquam subsequitur, quæ  
facile propter vicinitatem penem in consensum trahere potest.  
Quod malum dein gravioribus symptomatibus occasionem  
præbet, ut suppressioni □næ & aliis.

Alii tandem tribus digitis sub umbilico ex communî  
doctrinâ medicorum prudentiorum sectionem administrant.  
Quem locum & nos aliis præferimus.

Hunc locum & Hippocrat. lib. ωὲ παθῶν expressit, ita  
scribens : ἢ ωὲ τὸν ὀμφαλόν, ἢ ὀπίθεν κατὰ τὴν λαγόναν. i. e.  
vel juxta umbilicum, vel retro juxta ilia. A latere enim fiat  
apertio, quia, si in medio fieret, aliâs linea candida à carti-  
lagine Xiphoide usque ad ossa pubis per medium ventrem  
excurrere, pungeretur.

Ex cujus læsione convulsiones & alia gravia symptoma-  
ta excitantur, quæ hominem citò perimunt.



Omnia enim musculorum abdominis aponeuroses membranosa ad eam adeo firmiter coeunt, ut unum quasi musculus constituisse videantur.

Unde etiam hujus latio cautius sanguine viperino in sectione caesarea evitatur. Partim quia, ut jam dictum, ejus vulneratio lethalis, cum pars sit nervosa; partim quoniam, propter motum continuum in respiratione, sine qua homo ne momentum superstes esse potest, vulnera ejus consolidari nequeunt.

Videndum praeterea ne muscoli abdominis recti dividantur. Tum enim sanguinis profusio magna produceretur, quae asciticis summe noxia teste *Celso & aliis Practicis*.

Deducuntur enim per ipsorum longitudinem, & simul uniuntur per mutuam anastomosis vasa duo satis magna, nempe vena mammaria descendens & epigastrica ascendens, quae musculis inversis facile circa finem aut in medio eorum oculos nostros incurrunt.

Quare prisci illi sapienter admonuerunt, tres aut quatuor fere digitos ab umbilico, quanta nimirum rectorum musculorum latitudo est, sectionem esse perficiendam.

Ut autem sciatur in quo latere *ὁ δακνόμενος* sit adhibenda, considerandum est, ubi tumor conspiciatur.

Si itaque videmus, regionem lienis tumore esse affectam, in latere dextro foramen formetur. Hanc enim ratione asciticis potestas minore cum molestia in latus sinistrum decumbendi datur, quia viscus non ita est suspensum eo decubitu.

Dein etiam non metuendum est, ut aqua effluat, uti accidit cuidam Hebraeo, qui spatio 24. horarum obiit: quia nocte insequenti aqua copiose exiit, quod factum est, quia aeger tempore nocturno somnum cepit super latus perforatum.

Porro & tam cito gangraena & inflammationis periculum non imminet, qui hospites ingrati alias sese ultro saepe offerunt.

Si contra in regione jecinoris sese tumor ostendit, pars sinistra ferro tractetur, ob causas allatas à nobis recensitas.

Si



Si autem contingit, ut neutrum viscus laboret, æger interrogandus in quò latere assuetus sit requiescere. Nam ejus latus oppositum est perforandum. Si enim sectio fieret in latere decubitûs, eveniret, ut tunc in nullam partem incumbere posset, quod intolerabile foret, & vigiliis æger excrucietur.

## CAPUT XII

### *Modum operandi proponit.*

Quando consensu & suffragio ægrotantis & amicorum eo deventum est, ut Chirurgus advocatus loco invento & notato sectionem suscipiat, uno ore Altissimus, medicorum, optimus, ardentibus precibus fatigandus est, quò manus chirurgi ita dirigat, & vires ægro subministret, ut omnia in salutem hydropici cedant. A Numine enim divino incipiendum, quod & Ethnici fecere teste Poëta ita canente :

*A jove principium.*

Hoc facto instrumenta benè polita & exornata, quibus ad opus hoc perficiendum utimur, ad manus sint, & ea prope locum, ubi sectio celebranda est, modo decenti exponantur.

*Albucasis* instrumento acuto, formæ folii olivæ respondentem, utitur.

*Fabricius ab Aquapendente* ferramentum quoddam sibi confici curavit, quod ad cuspidem nonnihil est recurvatum, ex unâ tantum parte aciem habens, quo venter loco dicto tutissimè incidi potest. Parte enim infernâ, quâ intestina respicit, retusum est.

Perfici etiam potest scolopomachario aut lancettâ. *Celsus* vult ut latitudo mucronis instrumenti istius, quo sectio fit, tertiam ferè digiti partem impleat.

Secundò cannula, seu fistula adsit, quam alii cum *Celso* æneam & plumbeam esse volunt, alii cum *Paræo* argenteam & auream.

Hæc rotunditate quâdam sit prædita, & terfa, ne intromissa labiis vulneris noxam inferat; eam remora quædam circum-



circumcingat, & habeat alam quasi expansam, ne à respiratione tota intus delabatur.


In lateribus foramine sit pertusa, ut filum per illa trahi possit. Non sufficit talem, qualem jam descripsimus, possidere, sed aliis adhuc instructus sit oportet, quæ diversam obtinent longitudinem, quo breviores cedente ventris mole semper immittantur. Foramen ejus non nimis sit latum; atque ut sine difficultate immitti possit, neque intestina attingendo lædat, incurvata sit.

Veteres hydropicis circa ventrem & umbilicum unctiones superficiarias adhibuerunt, ad exsiccandas aquas & partes roborandas. Verum cum istis nobis nihil rei, quia loquimur, tantum de unctione penetrativâ.

Ea aut adminiculo cauterii actualis, aut potentialis peragitur.

Illæ parantur ex ferro, ære, argento vel auro. Hæc autem ex butyro ꝑii seu lapide caustico (qui ex lixivio saponario, ☉lo albo, & auripigmento coquitur) perficiuntur.

Nonnulli, quoniam partes abdominis ab aquâ nimium retentâ valdè refrigeratæ sunt, humectatæ, & debilitatæ, actualia potentialibus præferunt; propterea quod partes, frigore, emortuas, calore perfundant, humiditates absumant, & partibus debilitatis robur afflent. Verum putamus talia ob crudelitatem non esse admittenda, neque minus tutum esse peritonæum ita urere.

Neque desint medicamenta adstringentia, inter illa  olivarum immaturarum punctum meretur. Afferenda quoque sunt emplastra, ut *diachylon simplex*, aut *de spermate ranarum*.

Hæc si adsunt locus exactè est disquirendus, & atramento scriptorio signandus, ne iterum conspectum nostrum effugiat.

Signato loco æger situm habeat convenientem, & curandum, ut in latus dextrum inclinet, si in sinistro sectio est facienda, aut in sinistrum, si in dextro.

Si venter ob aquam in nimiam molem est sublatus, dum æger decumbit, in ipso lecto operatio absolvatur.

Quod



Quod si autem abdomen non ita est inflatum, surgat ægrotans, & chirurgus ministro adstanti præcipiat, ut superius abdomen comprimat, quò aqua inferius detrudatur, atque in abdomine major tumor exoriatur. Sic enim subiecta membra ab omni læsione erunt tutissima.

Loco invento, ægroque optime collocato, *monente summo dictatore*, alimentum corpori bonum succum suppeditans, facilisque coctionis exhibeatur. Postea instrumentum ferreum congruè manibus apprehendatur, & cutis abdominis circa locum signatum, qui perforandus est digitis ipsius, vel ministri cum panniculo carnosio subiecto seorsim ducatur, quo vulnus citius consolidetur. Seorsim abducta cum dexteritate quâdam singulari per transversum ad subiectam usque carnem sectione dividatur. Hoc confecto incisa cutis cum panniculo carnosio versus stomachum trahatur.

Remotâ hâc ratione cute pars musculosa, & peritonæum intrepido animo & prudenter unâ vice disjungantur, foramine non amplo facto & illæsis intestinis.

Huic tubulus, peniculi forma, seu fistula incurva, tubuli pennæ anserinæ crassitie, & semidigiti longitudine immittatur, & effluxus humori aquoso permittatur.

In qua quantitate primâ vice emittendus sit dicetur *in cap. seq.*

Per foramina filum deducatur & arte ad medium corpus religetur, ut dimoveri, nisi chirurgi arbitrio, nequeat.

Factâ hoc modo operatione post sufficientem aquæ emissionem turunda in fistulam intrudatur oleo adstringente irrigata, aut alia stupa consimili oleo conspersa circum circa cannulam ponatur. Dein emplastro muniatur & deligetur.

Ista deligatio non removenda nisi sequenti die, cum aqua de novo educenda est.

Oleis & emplastris utimur, ne nobis invitis aqua effluat. *Alii* ad hoc obtinendum duplicatis pannis & ligaturâ forti extremum fistulæ orificium obturant, & obfirmant.



## CAPUT XIII

*qua sint observanda in educatione aquae  
patefacit.*

**F**ACTA secundum modum propositum abdominis perfora-  
tione, aqua juxta edictum nostri senis evocetur, ita sonans:  
ὁκόσοι ἔμπυοι ἢ ὑδρωπικοὶ τέμνονταί ἢ καίοντα ἐκρυέντο. ἔ ποὺ  
καὶ ἔ ὑδατο αἰθρὸς πάντως διόλκωται. i. e. Qui prius in thorace  
colligunt, aut aqua inter cutem laborant, si uruntur, aut secan-  
tur, aut prius, aut aqua confertim effluxerit omnino intereunt.

Omnes enim subitæ mutationes periculosa, & natura  
ad eas sustinendas non satis est sufficiens; At quæ paulatim  
fiunt, & per medium quoddam cognatum utrique extremo-  
rum contrariorum tutæ sunt, & periculo vacant.

Testatur hoc idem autor aphorismo si. f. 2. scribens: τὸ  
κατὰ πολὺ καὶ ἐξαπίνης κενοῦν ἢ πληροῦν σφαλερὸν, καὶ γὰρ πᾶν  
τὸ πολὺ τῇ φύσει πόλεμιον, τὸ δὲ κατ' ὀλίγον, ἀσφαλές. Confer-  
vim ἔ repente vacuare ἔ implere periculosum. Omne siqui-  
dem nimium natura est inimicum: Verum quod paulatim fit, se-  
curum est.

Confirmat paulatinam non subitaneam educationem Abuali  
Ibn Tsin loco citato, his verbis: **والصواب ان لا يكون**

**في رنة واحدة فيستقر الروح**  
**في رنة وتسقط القوة بل قليلا قليلا**  
**فان يستقر به لئلا يضر**

Et rectius quidem est, ut non fiat in vice una quidem subito, &  
evacuetur spiritus subito, & cadat virtus: imo paulatim, & ut  
ipsa non perveniat ad multam debilitatem.

Experientia quidem temeraria nonnunquam commo-  
stravit, sanatos illos fuisse, quibus aut sectione ab Empyricis  
facta, aut casu vulnerato abdomine, aut natura sibi metipso



viam per umbilicum quærente ad deponendam sarcinam universa aqua simul absque vitæ dispendio effluxit. Exemplum vide apud *Fienum & Schenckium loc. citato*. At si numerarentur ægroti, quibus infelicitè repentina ista evacuatio successit, centum invenirentur mortui pro duobus servatis, qui fati ope potius, quam beneficio evacuationis subitæ evasere. Nullatenus itaque hoc modo aqua subducenda. Homicidii enim crimen est peccare in hominis salutem. Rectè ergo quoque monet *Laurentius loco citato* dicens : Il ne faut pas faire vider tout soudain & a la fois, mais lentement & peu a peu. i. e. *Non oportet evacuare repente & una vice, sed paulatim.*

Licet enim aqua illa sit contra naturam, nihilominus plurimo calore, & plurimis spiritibus gaudet; quare si unâ vice emittitur, naturâ simul iis privatur, ex quo partibus refrigeratis & spiritibus subito effusis mors inevitabilis sequitur.

Dein etiam exin nociferum, quia viscera abdominis æquo humori innatantia è vestigio collabuntur; Et hinc etiam diaphragma unâ cum pericardio & corde deorsum trahitur, unde vires magis jam labefactæ prosteruntur, inprimis si cum jecore etiam lien est tumefactus, ut sæpe accidit.

Postquam Doctissimorum Virorum autoritate, exemplis, & rationibus firmissimis comprobatum est, subitanæ aquæ evacuationem perniciosissimam esse; Examinandum quoque erit, quanam ejus quantitas, quot vicibus evocanda sit.

De his Autores inter se non conveniunt.

*Albucaſis lib. 2. cap. 54.* vult, ut spatio unius horæ media aquæ copia emittatur; insequente die minor quantitas detrahatur, & hoc nonnihil continuandum esse præcipit.

Ex *Præcticis* quidam dicunt, tempore matutino & vespertino aliquid extrahendum esse; & quidem in primâ evacuatione ultra libras 2. non esse ascendendum: quod etiam vesperti est faciendum.

Postridie paulo plus, & sic paulatim, ne scilicet æger vires ex nimis subitâ spirituum effusione amittat.



Hic autem modus aquam extrahendi multis suspectus est & imprimis *Fieno*, qui eum perniciosissimum esse asserit. Vidit enim ita semel aquam esse eductam, unde æger elapso triduo ex hac vita exiit.

Arbitratur exin ascitico moriendum fuisse, quia aqua manu nimis parca fuit detracta. Et rectè quidem. Scrofus enim humor ad factam viam cum impetu prorumpens, partem jam sectione debilitatam, magis enervat. Unde maxima difficultas exoritur in aquâ retinendâ, & si detinetur occasionem generationi gangrænæ præbet.

Neque videmus, quid commodi ex tam exigua evacuatione in ægotantem redundare possit.

Nihil aliud præstamus, quàm ut aquam commoveamus, ex cujus motu vapores plurimi ad viscera ascendunt. In cavitate enim abdominis ascitici jam consummati 30. vel 40. pocula aquæ continentur teste *Massaria* Vid. loc. citat.

*Celsus* hanc rationem aquam proliciendi quoq; non approbat; verum magis ad sententiam *Albucasis* accedit, scribit enim: Per fistulam humor est effundendus, atque ubi major ejus pars est evocata, claudenda illa est demisso linteolo. Dein per insequentes dies circa singulas heminas emittendum, donec nullum aquæ vestigium appareat.

Huic *Fienus* ferme adstipulatur. Vult enim primò aquam copiosè esse eliciendam, ut ventris illorum tumor notabiliter evanescat: Quippe tum ægris aqua retinenda non, tantam molestiam exhibet, tanta abdominis non est tensio, nec tantus aquæ conatus ad prorumpendum. Hinc cannula, absque dolore immitti potest.

Dubius sanè quilibet redditur, dum tot autorum opiniones legit. Quò enim sese vertat, & cui assensum suum præbeat, nescius est.

Quod ad nos attinet, dicimus, exactam aquæ emittendæ quantitatem determinari non posse; sed ejus conjecturam à requirente & tolerante sumendam esse. Requirens est humorum abundantia: Tolerans ægri sunt vires.



Si itaque vires constant, & magna humorum pravorum colluvies adest, dimidia eorum pars exhauriatur. Inter educationem autem, monente *Avicennâ*, pulsus bene consideretur. Hic enim si imminuitur, ita ut tangentis manum sensim & sensim minus feriat, aquam retineamus. Sed quamdiu iste adhuc benè sese habet, tutò in opere pergere nobis licet.

Subscribit huic sententiæ *Sennertus lib. 3. part. 6. f. 2. cap. 3.* dum ita scribit: Tutius est de consilio veterum sensim aquam educere, singulis diebus  $\text{℥vj.} \text{℥viij. x.}$  pro virium ratione & tolerantia. vid. quoque *Comment. Holleri in ap. Hippocratis 27. f. 6.*

Quando autem prima evacuatio aquæ peracta est, fistula non est extrahenda, ut *Paulus, Avicenna, & Albucasis* faciunt.

Videndum tamen, ne intestina à cannulâ lædantur, ideo breviores semper in promptu habendæ sunt, ut jam monitum est. Nam quando semel excidit, facile non iterum imponitur, nisi cum dolore & molestiâ, unde gangrænæ periculum immineret.

Denuo autem injicere non facile potest, quia cutis, musculi, & peritonæum diversimodè contrahuntur, divelluntur, & mutua sibi foramina claudunt.

Si autem hydropicus inter evacuationem magnam virium exolutionem patitur, medicamentis convenientibus sunt revocandæ.

Illæ enim nisi restaurentur, neque viscerum robori consulatur, operam ludimus.

Huic scopo sequentia inservient.

*Rx. conservæ borraginis, citri a. ℥i℥.*

*conditi nucis moschatae ℥iij.*

*electuarii cyphoidis ℥ij.*

*confectionis alkermes ℥i℥, Sine moscho & ambra*

præscribatur, si foemina hystericae passioni obnoxia electuario hoc uti vult



*Hepatis lupi preparati ℥j.*

*perlarum preparatarum ℥j.*

**F. c. f. q.** sirupi de cinamomo Ele&uarium : **cooperig-**  
**tur** foliis Ori

**D. S.** opiata de qua sumatur ad magnitudinem nucis  
juglandis.

Medicamenta perlata in summâ virium imbecillitate pro  
ægrotis refocillandis ultimum, esse asylum

*Omibus hoc lippis notum & tonsoribus,* inquit *Vates*  
*ille Salmonensis.* Sunt tamen nonnulli, qui hanc reficiendi  
potentiam, omnium consensu comprobata, in dubium vo-  
cant, ut *Duretus* in *Hollerium* lib. 1. de morbis internis, & *Plate-*  
*rus* in *questionibus posthum.* ipsisque saltem vim exsiccandi  
assignant. Huic autem iniquo iudicio nemo Practicorum fa-  
cile sui calculi suffragium adjiciet.

Orientales eligendas esse præcipiunt, cum sint efficacio-  
res, & non perforatas, sed quibus adhuc centrum inest, teste  
*Eustachio*, nec ab ære infectas, quia tum ad usum medicum a-  
ptiores censentur. Si rem ad amissim pensitamus, metus ina-  
nis videtur.

Vel sequenti potione utatur.

**Rx.** aquæ buglossæ ℥iij,  
cordialis Herculis Saxonie,  
citri è toto a. ℥vj,  
cinamomi ℥℥,  
tinctura corallorum ℥j,  
Ois absinthii ℥℥,  
sirupi eupatorii ℥i℥,

**D. S.** Potio

Sirupum de eupatorio in omni hydrope esse exhibendum mo-  
net *Heurnius*.

Experientiâ constat, solo Ois absynthii usu hydropem  
fuisse sanatum. Non enim solum hepar confortat, sed & uri-  
nam movet. *Helmontius* tractatu de potestate morborum mul-  
tum tribuit Oibus scribens: *Sensi Oia secedere per lotium &*  
*intestina,* & *resolvere sordes in illis mearibus ac expulsivam sui*  
*officiî memorem reddere.*

Nari-



Naribus sequens balsamum admoveatur.

Rx. olei nucis moschatae expressi ʒi.  
cinamomi, caryophyllorum,  
macis a gutt. v.

M. F. Balsamum.

Viscera si roborare est animus, sequentes rotulae sumantur.

Rx. conserva absinthii ʒiʒ.

Specier. aromat. rosat.

dialacca à ʒi

coralliorum preparatorum ʒi.

extracti cinamomi ʒʒ.

Sacchari in aqua melissae soluti ʒiv.

F. confectio in rotulas

irrorentur ʒʒ caryophyllorum gutt. v.

Conservam absinthii hepati singulariter prodesse, vult *Matthiol.*

Verum non sufficit his medicamentis uti, sed necesse est, ut etiam diata optima servetur: in illâ enim si vitium committeretur, hydropico idem accideret, quod illi, cujus *Laurentius & Schenckius* loco citato mentionem faciunt. Hic cum integram ceraforum librâ comedisset inscio medico, superveniente alvi fluxu, & naturali œconomia labefactatâ intra biduum vitam cum morte commutavit.

Ἰὸζα Ἰὰ Θεῶν.

PRÆEXIMIO atq; PRÆSTANTISSIMO

DN. BARTHOLDO SIMONIS,

de invidendis in medicinali arte progressibus

gratulatur

FELICITER!

adclamans,

GUERNERUS ROLFNCIUS,

PHIL. MED. D. PRACT. ET CHIM. P. P.

ACADEMIÆ SENIOR.

Q Ueîs exsiccati mediis hydropis acerbî  
torrens, & sisti queî tumor iste queat,  
pervi



pervigili studio didicisti, atque optima morbo  
 pharmaca solerti composuisse manu.  
 Perge Machaonias sic illustrare Camoenas,  
 dexteritas tribuet præmia digna tibi.  
 Sint magni comites (hoc opto) laboris hono-  
 & tua gazarum sit medicina ferax! (res,

**P** Rodere porrò instes, quâ splendes, ingenii vim  
*SIMON*, Camænarum decus,  
 Sic quondam docto exstabis clarissimus orbi,  
 Sic & tuis charissimus.

*laudabilibus conatibus applaudit*

**Johann-Arnoldus Friderici. D. P.P.**

**D** Um genus hydropis declaras ponte cathedræ  
 Ingenii dotes produs abundè tuas.  
 Doctor es incipiens, si perges Doctior esse  
 Laurea mox summo cinget honore caput.

*pereximio*

*Dn. Respond. Medicin. studioso felicissimo, Amico, &  
 Fautori suo honoratissimo de hoc egregio  
 Specimine animitus gratulatur, & felix ad  
 Batavos iter adprecatur*

**Johann. Caspar Bowitz, Med. D.**

**P** Armis ces choses temporelles  
 Sur tout on aime la santé;  
 Dont la cure & vôtre Pieté  
 Vous meneront aux éternelles.

*c'est une congratulation que fait à  
 Monsieur le Respondent sur la  
 présente Dispute*

**Charle Caffa, D. P. P.**

**F I N I S.**

*Pe:(o):22*